

## **SOALAN-SOALAN LAZIM PEMBANGUNAN**

Soalan: Mengapakah bangunan gunasama persekutuan (bgs) tidak dibina di setiap daerah?

**Jawapan:** *Kebanyakan daerah yang kepadatan penduduk dan pembangunannya agak sederhana belum lagi dibina bangunan gunasama oleh kerana keperluan ruang pejabat belum begitu mendesak dan kebanyakan jabatan masih berkapasiti sederhana. Kurang masalah penyewaan kerana kadarnya masih sederhana.*

Soalan: Apabila terdapat cadangan pembinaan bgs, adakah semua jabatan yang beroperasi di kawasan sekitar diberi peluang untuk menduduki ruang pejabat di bgs tersebut?

**Jawapan:** *Semua jabatan diberi peluang mendapat ruang pejabat di bgs terutamanya jabatan-jabatan yang sedang atau akan menyewa premis atau menumpang di bangunan kerajaan negeri dan sebagainya. Jabatan yang mempunyai bangunan sendiri juga boleh dipertimbangkan sekiranya ruang mereka yang sedia ada masih tidak mencukupi.*

Soalan: Bagaimanakah caranya untuk mendapatkan ruang pejabat di bgs?

**Jawapan:** *Jabatan-jabatan hendaklah mengisi borang permohonan ruang pejabat rpbgs 1/2002 yang diedarkan oleh bahagian pengurusan hartanah (bph). Bph akan memproses borang permohonan dan mengadakan taklimat atau mesyuarat dengan kesemua wakil jabatan yang terlibat untuk keputusan muktamad yang juga digunapakai bagi menentukan saiz bgs yang akan dibina.*